

卷一

史

小

州



潛蚪小草卷之二

聞汀寧化鶴臯劉文賢以從氏訂

岳武穆廟二首

有淚誰無洒湖山古若今士夫同攬涕樵牧亦沾襟  
檻外風雲變天邊劍佩尋英靈憑想像如見昔年心  
從古忠而謗如公豈獨然英雄同有恨天地若無權  
一死鬼神泣三綱日月懸却憐長跼者能禁幾人鞭

于少保祠



6  
Copy  
9500H  
NOV 14 1951  
一鞘容刀兩便揮新朝德讓本依違前驅已分求顯  
犬揜耳焉能謝子暈但使臣衷同皎日何嫌亨等弄  
潛機忠魂從古無遺恨獨有遊人淚滿衣

青溪山館寄懷西江謝愧屋羅臺山

深山苦岑寂命古散幽衷戶外一蟬鳴夏木生秋風  
佳人渺天末昨別隔音容冉冉禾黍路獨步時南東  
眷然躡高空含睇杳無窮白露澹將夕秋水浩淼濛  
灼灼幽蘭花采擷將誰同古人去我遠古道孰師宗

願言奮塵翼頡頏雙飛鴻

過九隴灘口占五絕句

五丁鑿不到天險九隴闢奇怪不可狀終古長歎息  
有命托篙師篙師色爲變薄技敢自矜呼吸同一綫  
一櫂得安流舉酒酌南斗回顧後來舟兀坐方搖首  
山猿倚樹笑指點斜陽下家食豈不恬勞勞何爲者  
竹馬泣未已誰爲躍馬過衙盃試相問二子定如何

過文丞相里四首



一水繞春甸邨墟歷落間黃冠不可見惆悵夕陽山  
讀書學何事碧血濺衣帶一逕綠楊風故鄉剩疆界  
聲樂何足娛沉淪意有托匹馬出孤城瓊筵酒盃落  
一旅曾何濟悠悠天地心扁舟停泊處遙望欲沾襟  
經子固里  
未必文章獨有神悠悠時論苦難申溪山十里斜陽  
路最憶韓歐後一人

玉山亭子月夜

辭家半月餘作客三千里望望

帝京程遠行殊未已江樓誰氏笛嗚咽弄江水夜半

推前牕月明照遊子

過劍津

旂鼓山高海氣浮通津一水去悠悠如何千載沉霾  
後纔到人間又不留

至省城讀書玉皇閣

石磴通蕭寺書籤掛月餘一燈涵道氣半榻近皇居



竹葉捎簾寂松花入硯徐故園春色老回望每躊躇

五月日同方丈韶音呂五立夫周六郎君七郎

君泛湖有作

擁書恍自失春去不可挽倒衣命儔侶攬勝斯  
遊翫日薄雲氣清西城雨初散小艇泛湖光透  
迤出崖岸遠山如列畫倚檻徘徊看瞥見垂柳  
低不覺榴花爛暗葉生鳴蜩流鶯老猶喚六橋  
連廣陌參差列宮觀停橈打鷗鷺驚起芰荷畔

山僧如舊識呼童應門慣草淺隨逕曲竹深到  
林緩曲榭交琳瓏高甍互璀璨烟波縈空曲光  
景倏變幻最愛響屨廊浩浩華池灌翻疑水精  
宮坐隱芙蓉幔茗香清不已樽酒陳芳饌澤品  
乙頰鱗林鮮摘青辦方丈快雄談呿口決河漢  
呂君端厚士談諧亦清粲最小兩郎君軒軒殊  
英彥顧我覺踈濶酒酣忽興嘆夙昔風雲志輾  
轉成羈絆憶昨木蘭舟同遊冰未泮

舊春北上  
偕同年鄭



泰光諸君遊此挾策向

金門得失如轉盼到此又經年但作湖山伴慷慨  
聊悲歌解纜忘日旰五里荻花洲來路方歸半

黃金臺

一戰功成易水寒黃金容易士終難東仇已復西仇  
在遺恨當年憶子丹

姑蘇臺

平地歌聲總寂寥層臺高管上青霄春城一閉千花

落更覺風流在六朝

鶴市詠古

覆楚歸來意氣雄戰旂高捲大江東不嫌草芥千人  
命只送君王一女終白鶴翩躚僊正急黃泉漠漠去  
何窮可憐越土謀生聚羊酒辛勤歲歲同

車路曉發

嚴霜在野風如斲兩馬嘶寒前更却紙燈撞破光約  
畧往往暗中過城郭千門寂寂夢未闌路上行人魂



欲落

過弦歌臺

柳路亭邊倚夕陽  
弦歌臺畔更迴翔  
殷勤好語烹鮮者  
往日牛刀莫善藏

楚霸王墓

君王一片墓遺碣  
在山東夜半松風起  
悲歌恨不窮  
舟中月夜

銀河高望水濛濛  
露淡烟霏月正中  
一曲木蘭舟上

笛不知何處覓飛鴻

仲家淺過先賢祠

秦時溪岸漢時村  
聚族升禋古廟存  
過客無容生侮慢  
繼負米盡曾孫

題後重有作二首

何論三軍與真爲  
百世師扁舟勤自省  
鴛鴦鈍一鞭隨  
擇木惟良禽况爲吾黨士  
費召曰末之中牟懼淄渰  
義氣所激發犯顏叩所以  
一仕從季孫猶曰爲貧爾



潛蛟小集 卷二  
矧乃孔氏門何足辱夫子死或如泰山結纓獨何事  
豈聖賢所爲淺近無敢擬獨抱千古思遙情寄烟水  
汶上何逍遙流風被清泚

古意

遙遙春已闌春恨滿欄干昨夜西風起瑤階玉露寒  
美人渡湘水寶瑟橫雲端欲奏別離曲淒淒絃重安  
畫者東山人過余青溪館舍座間憶先君子贈  
章及他作歷歷成誦愴然有懷奉贈此篇

榆林劣崩東之山中有杖履何寬閒絳城亥字人不  
識鶴髮約畧雙眉班自挾丹青遠能出意態如在滄  
洲間林塘六月薰風晚與我邂逅當清筵堂上蒼龍  
舊手筆逸氣恍惚來深淵潛鱗潑刺挾冰雪老髯奮  
迅絕風烟筵前顧我忽驚起一見頗若生平歡自言  
曩者識先子少壯方騁驎驅鞭城南主人好池館春  
風夜雨促琴樽謝眺詩篇虎頭畫贈章如寶青琅玕  
停盃爲我一試誦歷歷字句如當前徘徊更詠荷花



嘆丹房翠蓋逾鮮妍吁嗟余生亦既晚曩者已隔四  
十年感君記憶我亦悟聞之先子蓋嘗言其時同里  
有張軾手撥赤幟相後先張公已騎赤鯨去先子亦  
駕白雲還哀哉墨莊久寂寞舊社何意君猶存人生  
老壽不易得更餐千歲茯苓根才能自古有不沒如  
君豈少斯文傳君看杜陵丹青引曹霸尙爾聲赫然

遠遊怨三首

有序

己卯之歲不肖遊學鰲峯至庚辰得舉歸

先君子屬疾時迫北上不肖瞻望顏色懼不  
欲赴先君子呼而命之曰行矣韓子有言  
子能得位行道雖在萬里如在膝下若蓬蒿  
而居下位雖在膝下其心不說愚孝何爲也  
遂行明年下第先君子來諭曰病已可汝  
勿以余故輒有所尼以是止於京癸未再下  
第歸而先君子考終已數月矣親心未  
慰而使遊子抱無窮之恨痛何如也先是啓



行之夕旅邸得夢遭伯氏于道素衣白冠方  
驚問而寤卽擬歸侍而同人挽之曰此吾子  
心有所悸不足據也而惡知天道茫茫其機  
已兆于此痛哉篇中京門歷下皆留京時經  
遊地

客子中夜起老親終夜歎披帷起命杖出門強  
爲歡明燭敝前席賜酒錫嘉言但去勿復念親  
病頗猶安顯揚吾所期愚孝豈足賢再拜已受

命萬里揮長鞭道旁喬梓枝愛日照其巔上有  
慈烏聲嗚嗚出林端側耳不能聽攬涕一潺湲  
丹青何寥廓涼翼蹇不飛裴回向林薄托食聊  
所棲星霜苦奄忽風木痛漣洏昔我驚鱸夢問  
夜初出門旅邸詫不寐震蕩失我魂披衣起待  
日蔽志欲還轅同人爲我挽乃復驅車前茫茫  
天地閒孰爲鬼與神俛仰誠不意遽此罹辛酸  
側聞古人義祿養逮親存豈以升斗營棄此晨



與昏栖栖京門道落落歷下原哀哉蓼者莪但  
見蔚與薪

出門親在堂入門親在寢在寢試披帷萬然失  
衾枕疾弗湯藥侍沒弗含殮親民生有降割痛  
此不能言灼灼

上林花悠悠陌路塵白日忽西昏有淚空如泉揮  
刀截馬脚持火燒車轍君慎勿遠遊遠遊摧心  
肝

昭關

百尺雄關楚水橫西風迢遞鴈悲鳴只今衰草連天  
碧猶憶當時白髮生

吳市

吳市千門映綺羅當年此地孰經過只緣一曲簫聲  
苦白日荒荒下楚坡

登鼓山三首

海濶羣山靜山高大海流岡巒憑海湧波浪挾山浮



地勢啣分野嵐光擁上游環城十萬戶眼底片雲收  
男崩一峯起凌空更矯然杖頭掀日月袖底拂風烟  
島嶼遙經眼仙靈近拍肩何人堪作賦望古正俄延  
古洞雲根坼靈巖洑突飛壯懷方若揭幽賞更無違  
竹筭遊人飯松花鶴子衣綠林呼作伴徒倚共斜暉  
九日  
寂寞黃花兩地開西風池館獨徘徊憑高不似中天  
雁一片秋雲自往來

早蟬

長林高樹晚風清一覺斜陽此日聲莫近秋來更惆  
悵不須搖落已堪驚

偕友登道山人

斜徑穿城陌有山翼而起亭臺互相望高下斜陽裏  
地勢高且濶林木生其底草淺盤石多拂坐平如砥  
海風撲面來東南憑一指恍惚烟霧間滄波無涯淚  
長嘯激秋雲鸞鳳聲無比雛鶴起延頸老猿驚洗耳



良友共披襟莫逆笑相視攜手下山麓行歌錯其履  
回頭指巖岫縹緲情何已薄暮方暝暝且入酒家市  
至後坐樹下聞蛸

日月如轉轂四時自來去魚鳥戀春暉秋蛸倏在樹  
微風宕高木流響參差布沸檻更穿櫺蒼茫泊琴柱  
入耳實振觸撫懷關情愔人生天地間溘如草頭露  
懷抱自有真乃爲浮名誤朝遊長安市夜宿勞人路  
但苦涉世難安知入山莫百年諒難挽千秋恐終負

山中杜若花含情爲誰吐

夜苦熱起行月下

欹枕赫餘熏翻然索烟茗問夜起披衣推窓燭無秉  
皎月正當空金波麗梧井微風動桂葉乍與蒲葵冷  
徙倚下庭階輕絺墮花影仰視衆星淡俯聽萬籟靜  
流螢光不定宿鳥棲逾永物理宛可悟默觀發深省  
世事何足念寒暄異俄頃恨無同心人晤言曾臆逞

釣臺



潛虫八章 卷二  
一戰昆陽事已成雲臺勲業爛東京先生獨向寒江  
去落得人間一大名

望嶽

黛色兼天湧平居嚮往存停驂遙一望揮手意如奔  
石勢欹河岍松聲沸海門何當迴去馬高舉溯仙源  
窓前得槁蝶一枝

不盡花情與柳情西風一夜更無營祇應還化莊周  
去汗漫宗師說死生

山東道中

北指燕雲路又東遄車遙往趁征鴻疆場強半項劉  
地城郭依然齊魯風兩馬晨驅霜漠漠一鞭宵下月  
朦朦行人解餞聊呼酒劍氣條然薄遠空

捉扇

萬馬撲飛塵于朝復于市一葉蒲葵風空庭聊徙倚

上金斗峯

徑一尺緣山麓曲以高行躑躅懸崖旁崩駭相矚老



猿在樹鶴在霄好語行人慎旃哉無失足 入山不  
見人雲深宵難卽五步始聞聲人從雲中出

失韻自嘲荅蔣浣江

擲簡何因突狡狴橫衝韻海忘東西驟令齊魯無疆  
界但覺支吾混町畦柳路楊堤幾莫辨鵲巢鳩語竟  
多迷當筵一曲誰應顧搖手周郎更勿題

蔣浣江以功過格題詞見示疊前韻書後一首  
大振羣聾吼狡狴中流一葦共航西力分功過懸千

格逼着耨耨治百畦豈第持經能啓悟多應學易足  
開迷編珠綴玉琳琅字好與人家錦作題

哭陳厚堂同年二首

但覺失施報未能一緘風雨慟何勝浪生鯉水方遙

擊日落蚶江更不騰幾處民謠思宓賤百年詩草哭

徐陵紅箋綠柬淒涼在

君佳什存敝  
篋者甚多

猶憶官齋手自

謄

繼粟分金荷有年尤憐弱子到階前每承翰簡披雲



去頻假檐帷帶月還君再任吾寧余以同年誼數承惠賜余子星高甫八歲君招致之詢所學業試以對句每宴會必夜歸則假以肩輿至是余子以鄉試到省而君仙逝已數月矣豈不痛哉  
別鶴一聲驚遠夢隻鷄千里悵遙天汀山閩海誰當致洒淚聊書尺素箋

戊申五月時方暘若新理毛公虔詣禱雨未及

回車甘霖旋注志喜一首

拍手山農帶笠歸官齋勤索未明衣鐘聲乍引雷霆動香篆旋兼蜥蜴飛菡萏十分紅欲越芭蕉一丈綠

應肥何嘗火烈人偏畏淡月恩膏已透肥肌

代邑侯奉和徐少君過訪原韻二首

十二珠樓舊有因燕臺回首憶交親鯢鵬早擊千尋浪騏驎方驅萬里塵異地趨庭曾幾日遠天行路始經旬山城何幸來裘馬驟覺梅花滿院春

蜀郡絃歌敢自期彈丸一席暫相宜尙慙韜鐸鐸風行地惟愛桑麻水滿陂驛路遙征紆越嶠倚



雲遙指蘊秦碑應知

上苑騎虬客到處留題屬有詞

三子星泰十歲生日索句作此勗之二首

憶女方彌月嗟余正食貧承歡今十載良苦舊三句

陶詩三句  
九遇食

鳳羽梳猶短鶯歌聽漸新一編初讀易已

解釋同人

早慧惟嫌嬾多孱已忘咎曉珠明要定良馬瘦偏馳  
習坎泉方濬扶桑日始摘春風同努力棣萼正連枝

周二世兄東屏督學粵東余子就卷幕時六世

兄桐峯在署寄懷二首

謝庭揮手隔遙岑記舊西園翰墨林虎視羣經方總  
角雁行一弟共披襟丹梯早拾聯翩起青瑣宏開次  
第尋老我柴門空有憶馬頭歸去獨沉吟

病枕如匏繫有年湖山回首意茫然師恩祇贍黃河  
淚身事惟叅白骨禪訪舊呼兒騎馬去登堂執雉到  
階前憑君得借三珠樹重向公門溯故緣



庚戌除夜家弟以燕對酒憶子星高時輝姪亦

就道山左有日三首

盤飭粗陳薄酒飾萼樓一席率諸兒銜盃却憶三山  
外此日開樽定向誰

綺院高筵燭影沉玉堂深處蔚春陰懸知獨有思親  
淚醉後牽衣拭不禁

况復驪駒遠更遊江天停泊一孤舟春風滿眼遷鶯  
路好趁局枝各自投

友人話舊

舊事西江旅况纏朝王洲裏駐遊鞭看花節近春分  
日鬪酒人歸夜半天一別驚心垂白髮幾回欹枕剩  
寒烟故園此日重相見却喜松姿尙宛然

辛亥春正二十八日子星高二十誕辰家人置

酒時高已遊東粵寄示二首

筵几從嘉會琴書遠更遊多貧遑自惜稍長任他求  
海嶠星槎泛侯門編帶投故園春望裏樽酒正悠悠



少小猶堪憶牽衣肄簡時鶴鳴惟和子烏哺每憐兒  
荏苒斲頭角迢遙出路岐一枝欣有托爵弁好相宜  
送家兄以牧之綏安鄉塾

細雨城東道琴書又黯然今年行更遠多剩酒家錢  
奉和將之綏安留別原韻

撫髀空憐歲月非遊裝還檢舊時衣但教酒力貧猶  
健肯使詩名遠更稀綺陌春催行道馬樵川花隱讀  
書幃雲山畢竟無多路要得歸時且自歸

辛亥除夕同翼堂弟率諸子家燕憶星輝星高  
樂酒逢今夕春燈又一年萼樓人共醉驛路思同牽  
齊粵東南隔琴書歲月延歸來吾有望鵬鶚在秋天  
寄懷廣東家大朝宗

再得牽衣未有期嶺雲汀樹隔相思天涯一別人非  
舊梓里重來日寢移才調如君猶可望鬚眉似我更  
何之燕臺躍馬歸棲後兩袖黃金淚欲滋

奉和雷健亭寄懷原韻



短髻侵霜已逼秋春風回首憶同遊看花有路旋羈  
馬向月無心各倚樓萬卷着鞭猶讓祖一經撫髀獨  
悲劉開緘忽捧琳琅什日落寒溪水正流

寄懷吳二晚滋

有序

丁未之歲臺匪竊發君與令兄遊幕其地令  
兄遇害君糾義破賊以功得錄

投袂驚聞怒髮衝劍光遙薄海氛濃已知世受

恩難報

君之先世以軍功官遊擊將軍  
既老去官猶得以祿食終其身

况是兄讐義

不容別後關山空有憶意中風雨尙云從如何  
得共樽前酒回首征雲話故蹤

避暑山寺就樹下食荔支

龍女攀條結明珠葉底光火雲烘作色花雨泛爲香  
供佛疑多艷延賓喜欲狂無嫌冰碗重酣酒飽詩腸  
送張作孚從師溫泉

百里松篁路琴書遠自前山深逋墨債地迴隔家緣  
鑑影菱花爛披襟玉笋聯石巢風物在爲訊舊林泉



卷二  
輝姪就婚山左還有子光岱志喜一首寄弟以

燕

遲望曾孫慶含光遠自他詩書三世澤頭角幾人誇  
嶽氣儲天骨蘭香峙國華山翁宜有喜何事不還家

甲寅元旦

參天木以布猛虎舒其步念我生悠悠重與子相晤  
顧影還自笑擾擾紅塵路汎然有此身不貴復不去  
往者已如斯來者更何慕鵲鴻與燕雀俯仰焉所措

春庭一樽酒且向花開處斟酌不辭多聊以適情懷

橘

揮毫閒賦莫愁章朱是胚胎玉有光截絹爲衣黃旂  
旋伐檀作骨氣悠揚劇憐林下風難似爲擬閨中秀  
實當更羨團圓多結子濃香深處孕琳琅

逸軒季父暨叔母七十雙壽二首

老至恒言未敢稱竹林捧几尙堪凭樓頭鳳侶猶雙  
締芻下蘭孫已一曾雲路班衣長有望經畬黃卷暫



相仍麥風枯雨徘徊處且繫義輪更着繩

道以康強德以年力培孝友護書田更緣靜者心多  
妙由此推之理固然父黨僅存吾有愛病軀得侍教  
常先獨憐醺酒會無獻掩卷徒譌伐木篇

星高赴鄉試遊學鰲峯口示

菽水猶慳養琴書敢憚行片帆溪雨送一劍海雲生  
鵬路風斯上鰲峯月正明高堂貧尙好努力且遄征

哭宮玉巖老師二首

有序

壬午之歲余在京師晤郡伯宮玉巖老師時  
公由興化府陞授山東觀察使挾余與俱飲  
食教誨至明年乃別其後余卧病里居公亦  
以貴州巡撫掛冠林下道遠不得通音問今  
秋慘聞哀報撫膺痛哭念唐人詩未及酬恩  
隔死生意不能自己也潛然有作

旅鴈驚聞病枕翻江雲遙望涕潺湲琴樽久憶  
他年別金石難銷舊日恩海內旌麾猶拭目天



邊椒精孰招魂飄飄總帳千山外縮地何因得  
載奔

重到師門記往年

鳳城東指嵒華烟春遊穩下橫經榻秋病勤分買  
藥錢陸氏一莊偏有恨羊公雙碣豈無傳獨憐  
瘦盡凌雲筆難寫鴻篇荅九泉

山東車路食雪梨

人山訪高士入林問佳果野父正提筐新摘出林下

繞道過車塵行人爲停馬團圞舉相似攬袖快盈把  
驟覺風味殊蕭疎而爾雅彷彿林壑間寓一石隱者  
征途渴有慕入口瓊漿寫嚙冰喜甫散嚼雪任飄洒  
馨香濺兩頰如雲在秋野一噉何肯休再噉尤難捨  
頓令爽籟生披胃以及踝詩思撥煩襟豁然無關鎖  
梨爲百果宗語云意無假得此而後信古人不欺我  
桃李梅杏查把並孰云可昔聞山中人餐雲臥松檟  
何當持以獻晤言索杯斚



寄懷胡同年齡滋

玉笛聲消歲月淪當年蘭佩各青春看花同下  
京門馬把酒頻開綺席茵一病岐亭紛去路幾  
人宿草照孤燐淒涼舊譜惟君在尤喜鳴珂上

紫宸

光騰誕日志喜兼示星高

六十稱翁訝頗遲也憑樽酒笑開眉一庭花事方延  
首九畹春風已着枝顧我望孫還望子憐伊爲父正

爲兒如何三釜娛親處得及桑榆未暮時

齒初落

有齒缺然落豈應厭藜藿不惜同羣中翻身拔其腳  
前此旬月中忍痛時復作墮地忽有聲然指心錯愕  
如玉璞斯剖如珠蚌無着不記少小時父母爲汝樂  
呼兒速長大持梁厭其齧荏苒六十年俯仰居窮約  
朝苜蓿以寒夕瓜壺猶暑汝志誠何戀獨余情嗟若  
齒冷舌徒存齒寒唇亦怯何況一齒亡衆齒將安托



警彼雁羣中一雁飛寥廓羣雁顧而起紛飛無參錯  
爲我語汝儕骨肉無胥虐且爲老夫留勿如汝情薄

寄贈伊屆三自京師赴幕醴陵

匹馬燕山去扁舟楚水開雲程遙有望家食况相催  
擇地瀟湘好論交縞紵纔獨憐風雨暇陟岵首重迴

喜吳二晚滋到舍別二十六年矣酒後有作因

以爲贈二首

有序

君余鼇峯同學友也本籍寧化後移家連江

乾隆五十一年君與兄一峯遊學臺灣小醜  
不靖一峯遇害君糾義民隨大軍進剿亂定  
君不受賞獲兄櫬歸里作續東征集今歲自  
連江來寧化過余別久相對訊從軍事慨然  
有作

老健君猶在驚聞仗劍時破圍驅突豕探穴出

潛鯢報

國羞言賞從軍羨有詞片帆天末至翻恐到門遲



別久遙相憶披襟轉悵然青雲同義昔白首各  
連遘身後名何屬盃中酒自憐愛君筋力好高

挽夕陽天

讀續東征集有贈呈李明府二首

有序

明府之先人太學生諱喬基乾隆五十一年  
臺匪之變公捐餉糾義累戰有功後以孤軍  
被陷罵賊不屈遂遇害

朝廷褒忠錫爵蔭一子來令吾寧

義激援炮起焉知肉食謀魯困憑一指秦甲誓  
同仇百戰鋒無敵孤軍銳不收可憐東港月偏  
照壘雲愁

碎切睢陽齒騎箕慷慨行諸公咸色變羣盜亦

心驚竹塹聲同奕

謂壽同春與公  
同事遇害者

楓宸典共榮東征誰作記把酒細推評

題畫二首

宮錦新裁雅淡粧空庭一卷獨徜徉班妃去後風徽



杏又見江妃出洞房

幽意還將女史評  
謝家飛絮更盈盈  
未知誰是烏衣客  
天壤茫茫最不平

內子五十生辰作此二律

攬鏡何緣尚有人  
秋生蓬鬢老綦巾  
梅花瘦盡惟餘

骨月魄寒多更出塵  
十五年前神呪在  
戊戌之歲婦病瀕危時子

高甫七歲衛僅再週余携高默禱倘更貰十數年南子且長庶幾無憾何意鄙願獲邀神呪亦越於今

三杯裏酒懷新問  
伊得嫁黔婁後  
可奈衡門一味貧

姻黨咸稱少可憐  
謝家掌上最翩翩  
獨慙琴瑟偏偕

我長苦糟糠試問天  
猶喜抱孫方索餌  
况云多子豈

無田樽前兩袖黃金菊  
且伴狂夫更引年

贈伍南禺

文陣傳飛將翻然一劍馳  
近窺韓壁壘遙躡漢旌旂

蠹簡鑽利久鴻篇吐屬奇  
風聞今有慕悵隔水漣漪

春庭雜詠六首

天壤匏猶繫春庭黯自吟  
名場雙鑑墮學海一篙沉



歌哭遙相屬饑寒老更侵百花隨處好何計浣愁襟  
殺羽羈棲久崎嶇此更難稻梁輸燕雀老病寄林巒  
書懶憐兒瘦機寒剩婦歎却慙陶處士松菊有餘歡  
陋巷原無宅誰賒水竹居買山猶有憾布席豈能舒  
宋玉空傳賦楊雲漫著書一椽風雨定高枕乃吾廬  
閉戶羞防吏仍教市客來馮驩原有券周報豈無臺  
薪米慙多負琴書詫不才可憐三逕地叢竹爲誰栽  
典盡渾無物呼兒再四求范袍寒未反韓袴敝難留

士賤誰相購文卑買不售晨炊催正急兀坐亦虛舟  
有命誰能挽余生亦已焉飛鳴兒輩在淡薄古人然  
獨苦銜盆意頻慳買酒錢短歌聊當飲斟酌晚春天

白髮

新沐不暉冠家人駭相視何處零秋霜飄搖來眼底  
却坐默有歎回憶青雲事鳳起而燕棲牢落乾坤裏  
孰謂三秋菊得與春蘭比家人起相謂得此亦可喜  
不記束髮時父母爲爾指何當婉孌角皤皤向孫子



商山自採芝豈必終童仕洗盥當我前爲君道所以  
回顏強一笑汝言亦良是掀眉更撚鬚醺醺一醉止

徐慎莽碧波傳書後一首

君失珍視  
作碧波傳

物理終何定天淵任去留豈因雷劍躍翻作楚弓求  
水月原無迹風車已不收惟應毛穎傳聊遣別來愁

丁巳七夕詠小杜句有作

塵世難逢開口笑也緣佳節暫消愁茅簷新月上初  
白瓦鼎名香篆欲流有子携孫方婉嬾無錢沽酒漫

夷猶翻然却說漁溪柳稽首稱臣語不休

丁巳冬至日

有序

空樽入夜解衣方就寢戶外聞剝啄聲乃余

壻羽雲携樽酒至也莞爾有作用答其意

佳節偏疑暖未回披襟忽訝戶重開一樽定擬春旋  
至半子翻勞夜遠來玉椀風生庭樹信銀餅香引芻  
花媒陶然欲作尋芳夢憑仗葭灰仔細催

錢塘觀潮篇

歲在庚寅八月十七日陪  
侍周司馬公錢塘江樓作



君徒聞廣陵之濤天下之巨觀古人之言豈盡然海  
水上潮旁魄乎四溟沂吳嶠激閭關濡東甌漸日南  
獨在越者錢唐之勢爲最尊故水折以爲浙乃建國  
而安瀾大人周公西蜀之豪賢瓌偉傑育中融融  
灝灝吞百川方秉衡於斯土汔造士之餘閒撫襟期  
之浩蕩選勝槩於江干挾賓從携郎君畫旂繞東郭  
朱蓋出南門於時江氣澄鮮秋水淪漣輕鷗白鷺翔  
翔遊泳兩涯諸渚渙之閒倚欄一望但覺白雲紅日遊

絲縹緲飛晴巒銜盃徐有待凭几寂無聞欸若天地  
震兩山之外千里萬里來漫漫奔雷碑碣鳴鼉喧  
耳蕩心恍目駭顏瞥見峨峨皚皚摧雪山黃河合迸  
迴九曲清海泛濫溢千灘遠兮突兀鬱律輪囷近兮  
槍攘渙散紛綸鉅鹿之戰不足爲其勇不周之觸不  
足爲其怒咸陽之炬不足爲其飄忽而綿延鳳山眩  
龍井昏天竺隕吳嶽掀巖谷動岩林莽濕猿啼鶴叫  
颺颺奔吾觀淮南子荒誕何不信海鯁能幾里出沒



安足論此蓋大氣之鼓盪天地呼吸所見端有如人  
一身橐鑰方寸田躡尾閭衝天關晝夜如轉圜吾儒  
養之爲浩然徒觀其形容近似勇悍絕特則旣如壯  
夫之盛氣又如文士奮奇筆龍蛇攫搏風雨駢闐其  
磊砢鬱積乃如賢人才士沉淪屈抑噓噫惛悌而不  
平鶴臯子吶吶一迂生平生負氣無等倫去年登金  
山凌高風望遠海不覺頓足起舞忼慨思古人觀此  
彌覺意爲欣便欲托餘波駕鳴湍超巨壑絕紅塵訪  
列真而把臂悟至道以爲言於戲此念難可必江樓  
有酒正當筵高歌一曲暫回顧更呼三百斛沉醉月  
明天

錢塘懷古六首

一敗他年更一成江邊潮落又潮生行人莫訝須臾  
事瀕死孤臣歲幾更  
石室歸來二十年鐵衣同換錦衣還可憐羊酒殷勤  
日膽苦薪寒夜不眠